

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

04 Suliassat naloginnaasut

Imm. 4.1 Inuit innarluutillit pillugit Inatsisartut inatsisaat allangortinneqarnissaanut siunnersuut pillugu tusarniaanermut akissut pillugu ilisimatitsissut.

Imm. 4.2 Meeqqat tapersorsorneqarnissaat pillugu Inatsisartut inatsisaat allangortinneqarnissaanut siunnersuut pillugu tusarniaanermut akissutip ilisimatitsissutigineqarnera

Imm. 4.3 Paaqqinninersiutit aalajangersartarnerannut ilitsersuut tusarniaavigineranut akissummut ilisimatitsissut

Imm. 4.4 Pisortanit ikiorsiissutit pillugit inatsit allangortinnissaanut siunnersuutip tusarniaavigineqarneranut akissummut ilisimatitsissut

Imm. 4.5 Inuit pisinnaatitaaffinut kommissioneqalernissap siunnersuutigineranut tusarniaanermut akissut pillugu ilisimatitsissut

Imm. 4.6 Utoqqarnut tunngatillugu inissiaatit killiffiat 2020-mut tusarniaassut pillugu akissummut ilisimatitsineq

08 Tamalaat

Imm. 8.1

Ataatsimiinneq aallartippoq nal. 09:02

Peqataasut:

Atassut

Emilie Olsen, Sisimiut, Anna Karen Hoffmann-imut sinniisoq

Siumut

Hans Frederik Olsen, Siulittaasoq, Sisimiut

Inuit Ataqtigiit

Juliane Enoksen, Siulittaasup tullia Sisimiut. Oqarasuaatikkut peqataavoq.

Carl Christian Olsen, Sisimiut

Nalunaaruteqarlutik peqataannngitsut:

Anna Karen Hoffmann, Kangerlussuaq

Erik Jensen, Sisimiut

Nalunaaruteqaratik peqataannngitsut

Imm. 01 Oqaluuserisassat akuersissutigineri

Aalajangiineq

Akuersissutigineqarpoq.

04 Suliassat naliginnaasut

Imm. 4.1 Inuit innarluutillit tapersersorneqarnissaannut Inatsisartut inatsisaata allangortinneqarnissaanut siunnersuummut tusarniaammut akissut pillugu ilisimatitsineq

Journalnr. 47.00

Tunuliaqutaq

Isumaginninnermut, Ilaqutariinnut Inatsisinillu Atuutsitsinermit Naalackersuisoqarfiup “Uunga siunnersuut: Inuit innarluutillit tapersersorneqarnissaannut Inatsisartut inatsisaata allangortinneqarnera pillugu Inatsisartut inatsisaat nr. xx, xx. Xxx 2021-meersoq” Qeqqata Kommuniaut tusarniaassutigalugu nassiuppaa ulloq 8. December 2020.

Pissutit atuuttut

Inuk innarluutilik 18-it sinnerlugit ukiulik nunagisaminut ukiumut ataasiarluni akiliunneqarluni tikeraarluni angalasinnaatitaavoq, kiisalu meeqqat innarluutillit ukiumut marloriarlutik akiliunneqarlutik nunagisaminnut tikeraarlutik angalasinnaatitaallutik, pineqartut ulloq unnuarlu neqeroorummi inuup pineqartup nunagisaata avataani inissisimappat.

Aaliangersakkap immikkoortinngilaa pineqartoq kommunalbestyrelsemit neqeroorut naapertorlugu, imaluunniit eqqartuussivimmiit eqqartuussut aalajangiinerluunniit naapertorlugu, ulloq unnuarlu neqeroorummi najugaqarnersoq.

Allannguutissatut siunnersuutip siunertaraa ersarissassallugu nunaminut tikeraarluni angalasinnaaneq inuit innarluutilinnut ulloq unnuarlu neqeroorummi, eqqartuussivimmiit eqqartuussut aalajangiinerluunniit naapertorlugu neqeroorummi najugaqartunut atuutissanngitsoq.

Atuilluuntuunissakkut kingunerisinnaasai

Siunnersuutip qulakkiissavaa inuit innarluutillit ulloq unnuarlu neqeroorummi eqqartuussut naapertorlugu najugaqartut, angerlarsimaffigisaminnut tikeraarnerminni pissusitoqqat naapertuutinnngitsut uterfiginissaat pinaveersaartissallugu. Allaffeqarfiup siunnersuuteqartut isumaqatigaat tikeraarluni angalasinnaatitaanerup atornissaanut, periarfissami aneqqusaanermik pisinnaatitaaffik aamma piunasaqaataanissaa.

Aningaasaqarnikkut allaffissornikkullu kingunerisinaasai

Tusarniaanermi akissutip aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Qeqqata Kommunia imaattumik tusarniaanermut akissuteqarput:

“Qeqqata Kommuniata siullertut Naalackersuisut sakkortuumik kaammattorusuppaat kommuunit Naalackersuisullu akornanni isumaqatigiissutigineqarsimasoq, minnerpaamik sapaatit akunneri tallimat sulinngiffeqarfiit avataatigut tusarniaanerit ingerlanneqartarnissaat maleqqullugit.

Qeqqata Kommuniatali iluarisimaarpaa inuit innarluutillit najugaqatigiiffimmi, najugaqarfimmi nakkutigineqartumi imaluunniit ulloq unnuarlu neqeroorummi illoqarfisami nunaqarfisamiluunniit avataani najugalinnut, ukiumoortumik akiliunneqarlutik angerlarsimaffigisamut tikeraarnissamut malittarisassat Naalackersuisut ersarissarmatigut.

Matumani ersarissarneqarmat Kalaallit Nunaanni pinerluttulerinermut inatsimmi kapitali 33 naapertorlugu meeraq inersimasorluunniit innarluutilik, eqqartuussinikkut eqqartuussiviulluunniit aalajangereratigut ulloq unnuarlu neqeroorummiittussanngortinneqarsimappat, akiliunneqarluni angalasarneq pineqartunut atortinneqassanngimmat.

Qeqqata Kommuniani misilittagarineqarpoq inuit innarluutillit pillugit inatsimmi §51 naapertorlugu ulloq unnuarlu neqeroorummi najugaqartut, najugarisaminut tikeraaraangamik pissusitoqqanut utersaartoorsinnaasarnerat. Taamaattumik kommuunitta inatsimmut allannguutissamut siunnersuut matumani pineqartoq pissusissamisoortutut isigaa.

Kommuunip toqqissisimanartippaa inuit innarluutillit pinerlussimatillugit inuunerminni inissisimanerat pillugu eqqartuussiviup, tusarniaaqqartarnera kommuunip sullissisuiunut. Taamatuttaaq kommuunip qujamasuutigaa inummik innarluutilimmik isumannaallisaaviumut ulloq unnuarlu neqeroorummut inissiisoqartinnagu kommuunimi sullissisut iliuseqarnissaanik periarfissiisoqartarmat.

Taamaattorli Qeqqata Kommuuniata sakkortuumik kaammattorusuppaa Naalakkersuisut kommuunillu isumaqatigiissutaat naapertorlugu tusarniaanerit minnerpaamik sapaatit akunnerinik tallimanik sulinngiffearfiit ilanngunnagit sivisisussusilimmik

Tusarniaanermut akissuteqaat allaffissornikkut suliarineqarpoq.”

Innersuussut

Atugarissaarnermut Immikkoortortaqaarfiup Atugarissaarnermut Ataatsimiititaliamut innersuussutigaa:

- Inuit innarluutillit tapersersorneqarnissaannut Inatsisartut inatsisaata allanngortinneqarnera pillugu tusarniaassummut akissutip tusaatissatut tigussagaat

Aalajangiineq

Tusaatissatut tiguneqarpoq.

Ilanngussat

1. “Inuit innarluutillit tapersersorneqarnissaannut Inatsisartut inatsisaata allanngortinneqarnera pillugu Inatsisartut inatsisaat nr. xx, xx. Xxx 2021-meersoq” pillugu tusarniaanermut allagaq
2. Uunga siunnersuut: Inuit innarluutillit tapersersorneqarnissaannut Inatsisartut inatsisaata allanngortinneqarnera pillugu Inatsisartut inatsisaat nr. xx, xx. Xxx 2021-meersoq
3. Inuit innarluutillit tapersersorneqarnissaannut Inatsisartut inatsisaata allanngortinneqarnera pillugu Inatsisartut inatsisaannut naliginnaasumik oqaaseqaatit

**Imm. 4.2 Meeqqanut ikiorsiisarneq pillugu Inatsisartut inatsisaata
allangortinneqarneranut siunnersuut tusarniaavigineranut akissummut
ilisimatitsineq**

Journalnr. 42.00

Tunuliaqutaq

Isumaginninnermut, Ilaqutariinnut Inatsisinillu Atuutsitsinnermut Naalakkersuisoqarfiup “Uunga siunnersuut: Meeqqanut ikiorsiisarneq pillugu Inatsisartut inatsisaata allangortinneqarneranut Inatsisartut inatsisaat nr. xx, xx. Xxx 2021-meersoq” Qeqqata Kommunianut tusarniaassutigalugu nassiuppaa ulloq 8. December 2020.

Maleruagassatigut tunngavissat

Meeqqat tapersorsorneqarnissaannut Inatsisartut inatsisaat nr. 20, 26. Juni 2017-imeersoq

Pissutit atuuttut

Meeqqat angerlarsimaffiup avataanut inissinneqarsimasut tamarmik nunagisaminnut ukiumut marloriarlutik akiliunneqarlutik tikeraarlutik angalasinnaatitaapput, tamanna isumaqarpoq meeqqat ulloq unnuarlu inissiisarfiup isumannaallisakkamik immikkoortuaniittut aamma ukiumut marloriarlutik tikeraarsinnaatitaasut, ulloq unnuarlu neqeroorummi inuup pineqartup nunagisaata avataani inissisimappat.

Aaliangersakkap immikkoortinngilaa pineqartoq kommunalbestyrelsip meeqqanut immikkut ikiorsiisarnermut aalajangiinera malillugu, imaluunniit eqqartuussivimmiit eqqartuussut aalajangiinerluunniit naapertorlugu, ulloq unnuarlu neqeroorummi najugaqarnersoq.

Angalalluni tikeraarsinnaatitaanerup meeqqanut Kalaallit Nunaanni ulloq unnuarlu inissiisarfinnut eqqartuussinikkut eqqartuussiviulluunniit aalajangiineratigut inissinneqarsimasunut atuuttussaanginnerata ersarissarnissaa siunnersuutip siunertaraa.

Atuilluartuunissakkut kingunerisinaasai

Siunnersuutip qulakkiissavaa meeqqat ulloq unnuarlu neqeroorummi eqqartuussut naapertorlugu najugaqartut, angerlarsimaffigisaminnut tikeraarnerminni pissusitoqqat naapertuutinnngitsut uterfiginissaat pinaveersaartissallugu. Taamaasiornikkut ulloq unnuarlu inissiisarfimmi suliniutigineqartut ataavartumik aallunneqarnissaannut aalajangersaanerup aqquutissitissavaa.

Aningaasaqarnikkut allaffissornikkullu kingunerisinaasai

Tusarniummut akissut aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Qeqqata Kommunia imaattumik tusarniaanermut akissuteqarpoq:

“Qeqqata Kommuniata siullertut Naalakkersuisut sakkortuumik kaammattorusuppaat kommuunit Naalakkersuisullu akornanni isumaqatigiissutigineqarsimasoq, minnerpaamik sapaatit akunneri tallimat sulinnngiffeqarfiit avataatigut tusarniaanerit ingerlanneqartarnissaat maleqqullugit.

Meeqqanut ikiorsiisarneq pillugu Inatsisartut inatsisaata allangortinneqarneranut Qeqqata Kommunia akerliliissutissaqanngilaq.

Tusarniaanermut akissuteqaat allaffissornikkut suliarineqarpoq.”

Innersuussut

Atugarissaarnermut Immikkoortortaqarfiup Atugarissaarnermut Ataatsimiititaliamut innersuussutigaa:

- Meeqqanut ikiorsiisarneq pillugu Inatsisartut inatsisaata allanngortinneqarneranut tusarniaanermi akissummut paasissutissiineq tusaatissatut tiguneqassasoq.

Aalajangiineq

Tusaatissatut tiguneqarpoq.

Ilanngussat

1. “Meeqqanut ikiorsiisarneq pillugu Inatsisartut inatsisaata allanngortinneqarneranut Inatsisartut inatsisaat nr. xx, xx. Xxx 2021-meersoq” pillugu tusarniaanermut allagaq
2. Uunga siunnersuummik tusarniaaneq: Meeqqanut ikiorsiisarneq pillugu Inatsisartut inatsisaata allanngortinneqarneranut inatsisartut inatsisaat nr. xx xx. xxx 2021-imeersoq
3. Meeqqanut ikiorsiisarneq pillugu Inatsisartut inatsisaata allanngortinneqarneranut Inatsisartut inatsisaanut naliginnaasumik oqaaseqaatit

Imm. 4.3 Paaqqinninersiutit aalajangersartarnerannut tunngavilersuutissanut ilitsersuut tusarniaavigineranut akissummut ilisimatitsineq

Journalnr. 42.01.05

Tunuliaqutaq

Pitsaaliuinnermut Isumaginninnermullu Aqutsisoqarfiup "Paaqqinninersiutit aalajangersartarnerannut tunngavilersuutigineqarnissaannut ilitsersuut" Qeqqata Kommunianut tusarniaassutigalugu nassiuppaa ulloq 10. December 2020.

Maleruagassatigut tunngavissat

Meeqqat tapersorneqarnissaannut Inatsisartut inatsisaat nr. 20, 26. Juni 2017-imeersoq Ilaqutariit paarsisartut pillugit Namminersorlutik Oqartussat nalunaarutaat nr. 13, 10. Oktober 2019-imeersoq

Pissutit atuuttut

Paaqqinninersiutinut akigitat ukiut tamaasa Isumaginninnermut Inatsisinillu Atuutsitsinnermut Naalackersuisoqarfimmit aalajangersarneqartarput, Isumaginninnikkullu aningaasat tunniunneqartartut atuuttut pillugit Kaajallatsitami atuarneqarsinnaallutik. Kommuunilli paaqqinninersiutit 700 procent tikillugu qaffaavigisinnavaai, perorsaanikkut suliniuteqarnissamut isumassuinissamullu tunngatillugu ilaqutariinnut paarsisartunut immikkorluinnaq piumasartoqartillugu.

Kommuunip suliatigut tunngaveqartumik naliliiffigissavaa paarsinerup annertussusia ilungersunarneralu, tamannalu toqqammavigalugu paaqqinninersiat aalajangiivigissallugit, ilaqutariit paarsisartut piginnaasaannut sulisinnaassusiannullu tulluarsakkamik. Imaappoq paaqqinninersiat paarsinermi suliassap annertussusianut ajornassusianullu naapertuutissapput, isumaginninnikkut perorsaanermit suliniuteqarnissaq piumasaaqat annertusiartussaaq paarsinermi suliassap ilungersunarsiartornera ilutigalugu.

Naalackersuisut ilitsersuummi siunnersuutigaat KL's 7-trinsskema, Danmarkimi Kommuunit Kattuffianit ineriartortitaq paaqqinninersiat aalajangersarnerini atorneqartassasoq.

KL's 7-trinsskemap meeqqap tapersorneqarnissamik pisariaqartitsinerata, ilaqutariinnut paarsisartunut piumasaaqatit aamma paaqqinninersiutit ataqatigiinneranik takussutissaavoq. Takussutissap suliassap ilungersunassusia toqqammavigalugu paaqqinninersiutip tunniunneqartut amerlassusii takutippaat, tassungalu atatillugu ilaqutariinnut paarsisartunut qanoq piumasartoqassanersoq ersersillugu.

KL's 7-trinsskema Ilaqutariinnut paarsisartunut nalunaarummi paaqqinninersiutit 700 procent tikillugu qaffannissaannut tunngaviliuneqartumut naapertuuppoq.

Atuilluartuunissakkut kingunerisinnaasai

Paaqqinninersiutit aalajangii viginissaannut tunngavilersuutissatut ilitersuutip sullissisunut ersarinnerulersissavaa, taamaasiornikkutaaq sullissineq eqaannerulerlunilu kommuunit akimorlugit assigiartumik sullissineq anguneqassaaq.

KL's 7-trinsskemap ilaqutariinnut paarsisartunut piumasaqaatit meeqqap tapersersorneqarnissamik pisariaqartitsinera ilutigalugu qaffakkiartorneri ersarissisippaa, sullissisunullu ilaqutariinnullu paarsisartunut eqqaasitsillunilusoq ilaqutariit paarsisartut piginnaasaat meeqqap pisariaqartitaanut naapertuutissasut. Sullissisunullu piumasaqaataalerluni ilaqutariit paarsisartut ilinniarnissaanik, imaajarneqartarnissaannik aningaasatigullu tapersersornissaat aqutissitissallugu, ilaqutariinnik paarsisartunik naleqquttunik sulisussarsiorneq periarfissinniarlugu.

Aningaasaqarnikkut allaffissornikkullu kingunerisinaasai

Tusarniummut akissut aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Qeqqata Kommunia imaattumik tusarniaanermut akissuteqarpoq:

“Qeqqata Kommuniata siullertut Naalakkersuisut sakkortuumik kaammattorusuppaat kommuunit Naalakkersuisullu akornanni isumaqatigiissutigineqarsimasoq, minnerpaamik sapaatit akunneri tallimat sulingiffeqarfiit avataatigut tusarniaanerit ingerlanneqartarnissaat maleqqullugit.

Qeqqata Kommuniatali iluarisimaarpaa Naalakkersuisut paaqqinninersiutit aalajangersaaffiginissaannut tunngavilersuutissatut ilitersuutinik suliaqarsimammata. Pingaartumik sammisassat pingaernerit pingasuusut ersarissarneqarneri iluarisimaarneqarpoq, ersarissimmat meeqqap tapersersorneqarnissamik pisariaqartitsinera ilutigalugu paarsisartunut piumasaqaatit qaffakkiartorneri, tamannalu aamma paaqqinninersiutini ersertartoq.

Taamaattorli Qeqqata Kommunia isumaqarpoq ilitersuummi KL's 7-trinsskemami uuttuutissat ersarinnerusumik sukumiinerusumillu allaaserineqarnissaat, ilaatigut meeqqat kinguaassititigut kannuttaatsuliorfigitissimasut uuttuummi sorlermi inissinneqassanersut ersarissarnerisigut. KL's 7 trinsskemap saniatigut uuttuutissat ataasiakkaat sukumiinerusumik ilitersuummi allaatiginerisigut, sullissisunut nalilersuinissaq ajornannginnerulissamat.

Qeqqata Kommuniata Naalakkersuisut kaammattorusuppaat, ilitersuutit naammasseriarpata, ilitersuutit qanoq atornissaanik ilitersuussiffiusumik kommuunimi sullissisunut pikkorissaanerit ingerlatissagaat. Taamaasiornikkut ilitersuutit assigiiamik atorneqarnissaat qulakkeerneqassamat, taamatullu paatsoornerit pinngitsoortinneqassallutik.

Taamatuttaaq Qeqqata Kommunianiit kaammattuutigerusupparput ilaqutariinnut paarsisartunut quppersakkamik, ilaqutariittut paarsisarneq pillugu paasissutissanik naliginnaasunik imalimmik suliaqaaqullugit, soorlu piumasaqaatit assigiinngitsut arfineq marluusut pillugit nassuiaassisumik. Taamaasiornikkut ilaqutariit paarsisartunut ersarinnerulissamat meeraq paarisassaq sumi inissisimanersoq, suullu ilaqutariinnut paarsisartunut piumasaqaataanersut. Ilaqutariinnut paarsisartunut quppersagaaraliormi akileraartarnermut tunngasut, ilaatigut Akileraartarnermut Aqutsisoqarnermut nalunaarnissaminnik namminneq akisussaaffeqarnerat ersarissarneqarsinnaaguni paasissutissat ataatsimoornissaat qulakkeerneqarsinnaavoq. Minnerunngitsumillu quppersagaqqami suut tunngavigalugu paaqqinninersiutit inissinneqartarnersut allaaserineqarnerisigut ilaqutariit paarsisartut tamakkiisumik paasissutissiiffigineqarnissaat qulakkeerneqassaaq.

Tusarniaanermut akissut allaffissornikkut suliarineqarpoq.”

Innersuussut

Atugarissaarnermut Immikkoortortaqaq Atugarissaarnermut Ataatsimiititaliamut innersuussutigaa:

- Paaqqinninersiutit aalajangersartarnerannut tunngavilersuutigineqartussanut ilitsersuut tusarniaavigineranut akissummut paasissutissineq tusaatissatut tigussagaat.

Aalajangiineq

Tusaatissatut tiguneqarpoq.

Ilanngussat

1. “Paaqqinninersiutit aalajangersartarnerannut tunngavilersuutigineqartussanut ilitsersuut” pillugu tusarniaanermut allagaq
2. Paaqqinninersiutit aalajangersartarnerannut tunngavilersuutigineqartussanut ilitsersuut

Imm. 4.4 Pisortanit ikiorsiissutit pillugit Inatsisartut inatsisissaanut siunnersuummut tusarniaassut pillugu akissummut ilisimatitsineq

Journalnr. 41.01

Tunuliaqutaq

Isumaginninnermut, Ilaqutariinnut Inatsisinillu Atuutsitsinnermut Naalakkersuisoqarfiup “Uunga siunnersuummik tusarniaanermut tunngasoq; Pisortanit ikiorsiissutit pillugit Inatsisartut inatsisaat nr. xx, xx xxx 2021-meersoq” Qeqqata Kommunanut tusarniaassutigalugu nassiuppaa ulloq 15. december 2020.

Maleruagassatigut tunngavissat

Pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq

Pissutit atuuttut

Pisortanit ikiorsiissutit aaqqissuussiffigeqqinnissaat pillugit siunnersuut 2020-2022-mi Naalakkersuisooqatigiit isumaqatigiissutaannik atuutsitsilernerum atattillugu isigineqassaaq. Innuttaasuni piitsuussuseq annikillisarnerlugu innuttaasup inuunermi atugarisaanik pitsangorsaannissamut aamma kajumissuseqalernissaanut aaqqissuusseqqinnermi innuttaasoq periarfissinneqarnissaa siunertaavoq.

Pisortat ikiorsiissutaannik aaqqissuusseqqinneq ilinniartitaanikkut, suliffeqarnikkut akileraartarnikkullu aaqqissuusseqqinnissamut tunngatillugu annertunerusumik ataqatigiissaarinnissaq siunertaavoq, aaqqissuusseqqinnikkullu suliaasaqartitsinerup siuarsarnissaanut imminullu pilersornerup annertunerulernissaanut pingaarutilerujussuarnik sunniivigeqatigiinnissaq qulakkeerneqassaaq.

Maannakkut pisortanit ikiorsiisarnermut peqqussut atuuttoq arlalippassuartigut unammilligassaqqarpoq aalajangersagarpaaluillu ullutsinnut naleqqukkunnaarsimallutik.

Maannakkut pisortanit ikiorsiissutinut aaqqissuussineq maannakkut atuuttoq piffissami sivitsulersumi arlalinnillu isornartorsiorneqartarsimavoq. Pisortanit ikiorsiissutinut tunngatillugu sunniivigeqatigiittarnerup ajornartorsiorfiusarsimanera ilaatigut Akileraartarnermut Atugarissaarnermullu Isumalioqatigiissitamit aamma Kalaallit Nunaanni Aningaasaqarnermut Siunnersuisoqatigiinnit isornartorsiorneqartarsimavoq. Inuit ilaat pisortanit ikiorsiissutinik pisartagaqarunnaarlutik nalinginnaasumik suliffissarsiorneqarsaasa ilinniakkamilluunniit aallartitsinissaasa imminut akilersinnaanginnera ataqatigiissutsikkut ajornartorsiuutinik taaneqartarpoq.

Atuilluartuunissakkut kingunerisinnaasai

Aaqqissuusseqqinneq siunertamisut ingerlassappat, ikiorsiissutinik tiguisartut inuunermikkut atugarisamikkut pitsangorsaannissamut akisussaassuseqalernissaanut piumassuseqarnerulersitsineq nassatarissavaa. Kommuuni isumaqarpoq ikiorsiissutinik tiguisartunut neqeroorutit innersuunneqarsinnaasut amerlanerusariaqartut, aaqqissuusseqqinnerup siunertaa piviusunnigortinniarlugu kiisalu ikiorsiissutinik tiguisartut ajornartorsiuutigikkajuttagaat pisariullutillu taputartuuttut qaangerniassallugit.

Pisortanit ikiorsiissutit aaqqissuusseqqiffigineranni tunniunneqartartut ilusaannut, sulianik suliarinnittarnermut, sullitassanut suliniutissanullu atattillugu suleqatigiinnissami ajornartorsiuutinik arlallit samminiarnearput. Ilaatigut ikiorsiissutinik pisartut suliffeqarfinnut attuumanerat

nukittorsarniarneqarmat, piffissaq ungasinnerusoq eqqarsaatigalugu ikiorsiissutinik pisartagallit imminut pilersorsinnaanissamut kajumissusaat qaffassarnissaat siunertanut ilaalluni. Tamanna anguniarlugu ilaatigut ikiorsiissutinik pisartagallit tamanut isiginnittumik suliniuteqartarnissaq, periusissianillu suliasaqaarfiit akimorlugit ingerlasussanik peqalernissaa piumasaqaataalissaaq. Anguniagaq anguniarlugu ilaatigut sullissisut akimortumik tamakkiisumillu isigisumik suliniuteqartarnissaannik piumaffigineqalissapput, suliffeqarneq imminullu pilersorsinnaanerup qaffassarnissaa siunertaralugu.

Aningaasaqarnikkut allaffissornikkullu kingunerisinaasai

Tusarniummut akissut aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Qeqqata Kommunia imaattumik tusarniaanermut akissuteqarpoq:

“Qeqqata Kommuniata siullertut Naalackersuisut sakkortuumik kaammattorusuppaat kommuunit Naalackersuisullu akornanni isumaqatigiissutigineqarsimasoq, minnerpaamik sapaatit akunneri tallimat sulinngiffeqarfiit avataatigut tusarniaanerit ingerlanneqartarnissaat maleqqullugit.

Qeqqata Kommuniata iluarisimaarpaa Naalackersuisut, pisortanit ikiorsiissutit aaqqissuusseqqiffiginerini suleqatigiinnissami ajornartorsiutit iluarsiiffiginiaarmatigut, ikiorsiissutinillu pisartagallit sulinissaminnut kajuminnerulernissaat annerulersinniarlugu aaqqissuusseqqimmat.

Kommuunilli misilittagaraa pisortanit ikiorsiissutinik pisartagallit amerlanerpaartaat timikkut, tarnikkut inuttulluunniit ajornartorsiutaat annertungaarmata, ullup ilaannaani sulisinnaanerit killeqartartoq. Kommuunimi sullissisut, piffissami matumani taamaallaat neqeroorutigisinnaavaat Allorfimmi atornerluinermik katsorsaaneq, ilaqutariinnut meerartalinnuinaq Ilaqutariinni sullissivimmi oqimaatsut pillugit siunnersorneqarneq, kiisalu Pissassarfimmut innersuussineq (taamaallaat innuttaasunut innarluutilinnut inatsimmut ilaasunut neqeroorutigineqartartoq).

Neqeroorutinik amerlanerusunik kommuuni pisariaqartitsivoq, pisortanit ikiorsiissutinik pisartut, ilungersunartunik qaleriaanillu unammilligassaqartartut ikiorsinnaajumallugit. Qeqqata Kommuniata taamaattumik Naalackersuisut kaammattorusuppaat pisortanit ikiorsiissutinut aaqqissuusseqqinnerup siunertaa piviusunngortinniarlugu, kommuuninut aningaasatigut taperseeqqullugit.

Qulaani eqqaaneqartut saniatigut kommuuni paragraffinut ataasiakkaanut ukuninga oqaaseqaatissaqarpoq:

§14-imut: Kommuunip ullumikkut pisortat immikkoortortai assigiinngitsut ilaatigut Ilaqutariinnut Kiffartuussivik, Majoriaq, Peqqinnissaqarfik il.il. akimortumik suleqatigisat suleqatigillualereersimavai, taamaattumik qaninnerusumik suleqatigiinneq pioreersup ingerlatiinnarneqarnissaa kissaatigaa, taamaammallu allanik suleqatigiinnik pilersitsinissaaq pisariaqarsorinngilaa.

§15-imut: Inatsimmi atuuttumi iliuusissatut pilersaarusiassap sunik imaqarnissaa ersarissumik allattorsimaffimmik peqarpoq, taamaattorli inatsimmut siunnersuummi nutaami nassuiaataanilu iliuusissatut pilersaarutissap sunik imaqarnissaanik allattorsimaffimmik soqanngilaq. Kommunip Naalackersuisut kaammattorusuppaat sukumiinerusunik inatsisinik pilersitseqqullugit, iliuusissatut pilersaarutip sunik imaqarnissaanik ersarissaasumik, pisortanik ikiorsiissutinik suliat ataqatigiittumik assigiissaartumillu sullinneqartarnissaat siunertaralugu.

§18-imut: Piffissami matumani kommune majoriarlu innuttaasunik piginnaangorsaaqqinnissaq siunertaralugu, siusinaartumik pensionisarneq pillugu immikkoortortaqqarfimmi suleqatigiippat. Tamatumani Majoriap akisussaaffigaa siusinaartumik pensionisiallit suliffeqarfimmut attaveqarnissaat isumagissallugu, atorfirmik misiliinissaq piginnaangorsaanissarlu siunertaralugu. Kommuni isumaqarpoq sulianik agguataarineq pioreersoq suliassaqqarfimmi assigiinngitsuni attatiinnarneqassasoq, taamaasiornikkut pisortani immikkoortortat assigiinngitsut suliassaqqarfiit suut akisussaaffiginaat ersarinnera attatiinnarniarlugu. Taamaattumik kommuni isumaqarpoq Majoriaq ikiorsiissutinik pisartagalinnut nammeneq piumasuseq malillugu sulisumut isumaqatigiissusiornissaanik ikiuuttussatut inissisimanissaa pissusissamisoortoq, Majoriap suliffeqarfimmut attaveqarnera pioreermat.

§22-mut: Tunngaviusumik akigititaq qaammammut 4.500kr.-usooq aningaasartuutitut aalajangersimasunut allanngorartunullu ilaatigut ineqarnermut, nerisassanut, atisanut il. II. naammannissaat kommunip qularivaa, ullumikkut nunatsinni akigititat taamatut isikkoqartillugit. Tassungaaq atillugu Qeqqata Kommuniata paaserusuppaa, qaammammut akigititaq suut uuttuutit atorlugit naatsersorneqarsimanersoq.

§§24 – 26-mut: Iliuusissatut pilersaarummi aalajangiunneqartut sammisani ikiorsiissutinik pisartagalik nammineerluni peqataasimappat, aqqissuusseqqinnerup kingorna tunngaviusumik akigititap qaavatigut tapisalernissaa siunertaavoq. Kommunip tunngaviusumik siunertarineqartoq nuannaarutigaa, taamaasiornikkut pisortanit ikiorsiissutinik pisartut sullinneqarnermini kiisalu suliffeqarfimmut attuumassuteqalernissaq annertusarniarlugu kajumissuseqalersitsissamat. Taamaattorli kommunip allaffissornikkut tapisiat assigiinngitsut tapiliussatut tunniuteriarlugit allatigut aningaasarsianik ilanngaassuisalernissamik oqariartuut tapersinngilaa, assersuutigalugu pineqartoq aapparisaaluunniit isertitaqarsimappat. Tamanna ikiorsiissutip annertussusianut naleqqiullugu, allaffissornikkut annertuumik suliqaarnissamik nassataqassamat.

§46-mut: Kalaallisuuani paragrafip normua 46-nngorlugu naqqinneqassaaq.

§48, imm. 3-mut: Inatsit massakkut atuuttoq naapertorlugu kommunalbestyrelsi taamaallaat **immikkut pisoqartillugu** ikiorsiissutisialernermit ukiup ataatsip qaangiunnerani aalajangiisinaavoq ikiorsiissutigisap utertitassanngorsimanera atorunnaassasoq. Taamaattorli inatsimmut siunnersuummi siunnersuutigineqarpoq pisortanit ikiorsiissutit utertinneqarnissaanik piumasaqarneq, tunniunneqartut ukiut marluk qaangiunnerisigut automatiskimik atorunnaartassasoq.

Uterinneqarnissaanik piumasaqarneq nammineerluni ukiut marluk qaangiunnerisigut atorunnaartassappata, kommunip ernummatigaa innuttaasut ilaasa pisortanit ikiorsiissutit atornerlunnissaanik siunertaqarsinnaanerit. Kommunip tamanna peqqutigalugu Naalakkersuisut kaammattorusuppaa paragrafimi immikkoortoq 3 atuuttoq attatiinnaqqullugu, utertitsinissamik piumasqaatip taamaallaat immikkut pisoqartillugu kommunalbestyrelsip aalajangiineratigut atorunnaarsinnaanera attatiinnaqqullugu.

Qeqqata Kommuniata kaammattuutigerusuppaa aqqissuusseqqinneq atuutilersinnagu Naalakkersuisut kommuunit sullissisuunik paasissutissiisumik pikkorissartitsinermik ingerlatseqqullugit, inatsisip atuutilertussap imarisaanik assigiartumik paasinninnissaq siunertaralugu.

Tusarniaanermut akissut allaffissornikkut suliarineqarpoq.”

Innersuussut

Atugarissaarnermut Immikkoortorta qarfiup Atugarissaarnermut Ataatsimiititaliamut innersuussutigaa:

- “Uunga siunnersuut: Pisortanit ikiorsiissutit pillugit Inatsisartut inatsisaat nr. xx, xx. xxx-meersoq” tusarniaavigineqarnerani akissummut paasissutissiineq tusaatissatut tiguneqassasoq.

Aalajangiineq

Tusaatissatut tiguneqarpoq.

Ilanngussat

1. “Uunga siunnersuut: Pisortanit ikiorsiissutit pillugit Inatsisartut inatsisaat nr. xx, xx. xxx-meersoq” pillugu tusarniaanermut allagaq
2. Uunga siunnersuut: Pisortanit ikiorsiissutit pillugit Inatsisartut inatsisaat nr. xx, xx. xxx-meersoq
3. “Uunga siunnersuut: Pisortanit ikiorsiissutit pillugit Inatsisartut inatsisaat nr. xx, xx. xxx-meersoq” pillugu oqaaseqaatit naliginnaasut

Imm. 4.5 Inuit pisinnaatitaaffiit Kommissiomi pillugu Inatsisartut Inatsisissaatut siunnersuummut tusarniaassut pillugu akissummut ilisimatitsineq

Journalnr.

Tunuliaqutaq

Peqqissutsimut Naalakkersuisoqarfik “Unga siunnersuut: Inuit Pisinnaatitaaffiit Kommissiomi pillugu Inatsisartut inatsisaat nr. Xx, uu. qqqq 2021-meersoq” Qeqqata Kommuniannut tusarniaassutigalugu nassiuppaa ulloq 18. December 2020.

Maleruagassatigut tunngavissat

Inuit Pisinnaatitaaffiit pillugit Siunnersuisoqatigiit pillugit Inatsisartut inatsisaat nr. 20, 27. November 2018-meersoq

Angutit arnallu naligiissitaanissaat pillugu Inatsisartut inatsisaat nr. 3, 29. November 2019-meersoq
Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaat nr. 11, 22. November 2011-meersoq

Inuit Innarluutillit illersuisuat pillugu Inatsisartut inatsisaat nr. 1, 29. Maj 2017-meersoq
Utoqqaat illersuisuat pillugu Inatsisartut inatsisaat nr. 37, 28. November 2019-meersoq

Pissutit atuuttut

Ullumikkut sullissiviit tallimat assigiinngitsut ukuusut: Inuit Pisinnaatitaaffiit Kalaallit Nunaata Siunnersuisoqatigiivi, Meeqqat pisinnaatitaaffiit sullissivik, Inuit innarluutillit illersuisuat, Naligiissitaanermut Siunnersuisoqatigiit aamma Utoqqaat Illersuisuat innuttaasut pisinnaatitaaffiit siuarsaaffiginialugit illersorniarlugillu suliaqarput.

Naalakkersuisut siunnersuutigaat qulaani sullissiviit pineqartut arlaannaanulluunnit pituttorsimangitsumut katersorneqassasut, pituttorsimangitsumik sulinerup nukittorsarneqarnissaa, nukiit tulluarnepaamik tamatigut atornissaat kiisalu suliatigut nukittorsaanissaq siunertaralugu.

Sullissiviit kattunnerisigut sullissivimmik pisinnaatitaaffeqarfiit akornanni sulineq siuarsarniarlugu, suliaassat assigiinngitsut naammassisaqarfigineqarnerulernissaat, kiisalu suliatigut immikkut ilisimasaqarnerulernissaq qulakkearniarneqarpoq.

Danmarkimi Inuit Pisinnaatitaaffiit pillugit sullissivimmik Inatsit Kalaallit Nunaanni atuutilerpoq 2014-imi, tamassuma kingunerivaa Danmarkimi inuit pisinnaatitaaffiit sullissiviit inatsisip atuutilerneraniit Kalaallit Nunaanni pisortatigoortumik inuit pisinnaatitaaffiit suliarilersimammagit. Kommissiomi Inuillu Pisinnaatitaaffiit pillugit Sullissivik akornanni suliat agguataarneri paariinnarneqassapput suliaasaqarfiup naalagaaffimmit tiguneqarnissaata tungaanut, taamaattorli naatsorsuutigineqarpoq kommissiomi pilersinneqareerpat Inuit Pisinnaatitaaffiit pillugit Sullissivik kommissionilu suleqatigiillutillu ikorfartoqartigiissasut.

Naalakkersuisut siunnersuutigaat kommissiomi tallimanik ilaasortaqaasasooq, sullissivinni kattunneqartuni pisortaasut ilaasortanngornissaat siunnersuutigineqarluni, taamaasiornikkut illersuisutut atuuffiit nukittuut ingerlaannarnissaat siunertaralugu.

Kommissiomi ilaasortaasut siulittaasuullu pisortatigoortumik allagarsiusserernerup kingorna Inatsisartunit toqqarneqartassaaq, ilaasortat ukiunut sisamanut toqqagaasassapput, toqqaaqqinneqarsinnaassallutillu ukiunut sisamat. Taassuma kingorna toqqaaqqinneqarsinnaalissapput minnerpaamik ukiut sisamat qaangiunnerisigut.

Allattoqarfiit ataasiinnanngorlugit nuummi inissisimasussamik kattunneqassapput, piginnaasat suliffeqarfimmi ataatsimi katersornissaat siunertaralugu.

Allattoqarfik kommissionip allaffissornikkut suliassaataanik isumaginnittuusaaq kommissionimullu sulianut tunngasutigut ikiuuttassalluni.

Kommissionimut 12,1 mio.kr.-inik 2021-mut aningaasaliissuteqartoqassaaq, suliassaqarfinnut assigiinngitsunut agguataarneqartussanik.

Naalackersuisut siunnersuutigaat kommissioni:

1. Suiaassuseq, ammip qalipaataa, kikkunnit kingoqqisuuneq, oqaatsit, upperisaq, il.il. pissutigalugit immikkoortitsinertaqanngitsumik kikkut tamat naligiimmik pineqarnissaat siuarsassagaa.
2. Inuit pisinnaatitaaffii siuarsassavai illersorlugillu, pingaartumik:
 - Kalaallit Nunaanni inuit pisinnaatitaaffii eqqarsaatigalugit inissisimaneq pillugu nakkutilliinikkut, uppersarsaasersuinikkut nalunaaruteqartarnikkullu
 - Inatsisartunik, Naalackersuisunik, pisortani oqartussanik allanik susasaqartunillu namminersortunillu siunnersuisarnikkut
 - Inuit pisinnaatitaaffii pillugit innuttaasut akornanni oqallinnermut peqataanermigut ilisimasanillu ingerlateqqiisarnermigut, aamma
 - Nunat tamalaat akornanni inuit pisinnaatitaaffii pillugit isumaqatigiissutinut ilanngunnissamut, akuersissuteqarnissamut timitaliinissamullu kaammattuuteqartarnermikkut.

Atuilluartuunissakkut kingunerisinnaasai

Inuit pisinnaatitaaffiit sullissiviit kattunnerisigut innuttaasut inuttut pisinnaatitaaffii siuarsarnerisigut illersornerisigullu kommissioni siunissami sunniuteqarsinnaanera annertusarneqassaaq, kommissionip suliaani tamani kommissærit tamarmik tunuliaqutigineqalissammata. Taamatuttaaq nukiit tulluarnepaamik atorneqalissapput misilittakkallu ilisimasallu sullissivimmi ataatsimi katersornissaat aamma qulakkeerneqassalluni. Siunnersuummi kommissionip pisinnaatitaaffii siammasinnerusumik allaaserineqarnerata pisariillisarneqarnerata kingunerissavaa, kommissionip suliassaminut aalajangersaanissaminut kiffaanngissuseqarnerulernissaa, taamatullu aamma nammineq atuunnermi annerusumik aalajangersaasinnaanerulernissaa.

Aningaasaqarnikkut allaffissornikkullu kingunerisinaasai

Sullissiviit nuummi qitiusumik inissinneqarnissaata kingunerissavaa Qeqqata Kommuniata suliffeqarfinnik, taamatullu akileraarutinik isertitassanik annaasaqarnissaa.

Kommissionip kommuuninut paasissutissanik piniarsinnaaneranut pisinnaatitaanerata, allaffissornikkut annikittumik artukkiisinnaanera naatsorsuutigineqarportaaq.

Allaffeqarfiup naliliinera

Qeqqata Kommunia imaattumik tusarniaanermut akissuteqarpoq:

“Qeqqata Kommuniata siullertut Naalackersuisut qutsavigerusuppaat Inuit pisinnaatitaaffiit kommissioni pillugu Inatsisartut Inatsisissaatut siunnersuummut tusarniaammata.

Qeqqata Kommuniata iluarisimaarpaa ullumikkut inuit pisinnaatitaaffiit sullissiviit aaliangersimasunik aallusaqarnerat, taamaasiornikkut innuttaasut assigiinngitsunik inissisimasut immikkut aallunneqarnerat qulakkeerneqarmat. Kommissioni siunnersuutigineqartut siammasinnerusumik sammisaqalerlunilu atuuffeqalerneratigut, innuttaasut assigiinngitsunik

inissisimasut oqartussaanerat, aallunneqarnerallu innarlerneqarnissaa Atugarissaarnermut Ataatsimiititaliap ernummatigaa.

Taamatuttaa qeqatigiiffiit assigiinnigitsut ullumikkut illersuisut aqutigalugit oqartussaaffeqarnerat innarlerneqarsinnaanera ataatsimiititaliamiit ernummatigineqarpoq. Ilisimaneqarpormi inuit pisinnaatitaaffiinik sullissiviit peqatigiiffinnit katersuuffigineqartarlutillu oqariartuutunik apuussiffigineqartartut.

Suliatigut immikkut ilisimasaqarnek qaffasinnerulernissaa siunnersuummi tungavilersuutigineqartoq ataatsimiititaliamit isumaqatigineqanngilaq, suliammi atuuffiillu siammasinnerulernerata kingunerissamagu suliatigut immikkut ilisimaqarnek innarlerneqarnissaa.

Ataatsimiititaliap uggorivaa inuit pisinnaatitaaffiinik sullissisut pillugit inatsisit atuuttut atorunnaarsinnerasigut kommuunip taamatullu aamma pisortaqarfiit assigiinnigitsut, peqatigiiffiit, kattuffiillu sunneeqataasinnaanerat innarlerneqarnissaa. Ilaatigut Meeqqat pillugit Siunnersuisooqatigiit aamma Inuit Pisinnaatitaaffiit Kalaallit Nunaata Siunnersuisooqatigiivi kommuuninit allanillu peqataaffigineqartartut atorunnaarsinneqassammata.

Kommuunitta maluginiarpaa inuit pisinnaatitaaffiinik sullissisut kattunerini sullissivik nutaaq kommissionimik taagorneqarniarmat, tamannalu apeqqusernartoqartillugu ilisimaneqarmat kommissionit piffissami killiligaasumik atuutsinneqartarmata.

Ataatsimiititaliap paasisinnaavaa allaffissornikkut pisariillisaaneq pingaartinneqartoq, taamaattorli apeqquserlugu pisariillisaaneq anguniarlugu Naalakkersuisut qanoq annertutigisumik pilliuteqarniarnersut. Pisortat suliffeqarfiutaat nunatta kitaani siammarternersigut illoqarfiit ataasiakkaat ineriartornissaat, suliffinnik amerlanernik qinigassaqaarnissaat, minnerunngitsumillu suliffeqarfinnut namminersortunut iluaqutaasarnerat anguneqarsinnaagaluaq eqiterussinikkut innarlerneqarnissaa ernummatigineqarpoq.

Taamaattorli kommuunip iluarisimaarpaa paris princippit najoqqutaralugit kommissionimut ilaasortassanik toqqaasalernissaq siunnersuutigineqarmat, taamaasiornikkut inuiaqatigiinni nukiit assigiinnigitsut sinnisorinissaat kiisalu attuumassuteqannginnissaq qulakkeerneqassammata.

Inuit Innarluutillit Illersuisuata Nuummumut nuunneqarnissaa sakkortuumik uparuarusupparput, kommuunitsinnut suliffeqarfimmik annaasaqaataassammata, qitiusumillu eqikkaaneq taamatuttaa sakkortuumik uparuarlugu.“

Innersuussut

Atugarissaarnermut Immikkoortorta qarfiup Atugarissaarnermut Ataatsimiititaliamut innersuussutigaa:

- “Uunga siunnersuut: Inuit Pisinnaatitaaffiit Kommissiini pillugu Inatsisartut inatsisaat nr. Xx, uu. qqqq 2021-meersoq” tusarniaavigineqarnerani akissummut paasissutissiineq tusaatissatut tiguneqassasoq.

Aalajangiineq

Tusaatissatut tiguneqarpoq.

Ilanngussat

1. “Uunga siunnersuut: Inuit Pisinnaatitaaffiit Kommissiini pillugu Inatsisartut inatsisaat nr. Xx, uu. qqqq 2021-meersoq” pillugu tusarniaanermut allagaq
2. “Uunga siunnersuut: Inuit Pisinnaatitaaffiit Kommissiini pillugu Inatsisartut inatsisaat nr. Xx, uu. qqqq 2021-meersoq”
3. “Uunga siunnersuut: Inuit Pisinnaatitaaffiit Kommissiini pillugu Inatsisartut inatsisaat nr. Xx, uu. qqqq 2021-meersoq” pillugu oqaaseqaatit naliginnaasut
4. Innarluutillit Illersuisuata tusarniaammut akissutaa
5. Meeqqat Illersuisuata tusarniaammut akissutaa

Imm. 4.6 Utoqqarnut tunngatillugu inissiaatit killiffiat 2020-mut tusarniaassut pillugu akissummut ilisimatitsineq

Journalnr. 44.05

Tunuliaqutaq

Isumaginninnermut, Ilaqutariinnut Inatsisinillu Atuutsitsinnermut Naalackersuisoqarfik “Utoqqarnut tunngatillugu inissiaatit killiffiat 2020” Qeqqata Kommunanut tusarniaassutigalugu nassiuppa ulloq 23. December 2020.

Maleruagassatigut tunngavissat

Utoqqarnik paaqqiniffiit il.il. pillugit Inatsisartut peqqussutaat nr. 11 ulloq 30. Oktober 1998-imeersoq

Pissutit atuuttut

Utoqqarnut tunngatillugu inissiaatigisat qanoq innerannik naleqqunnerannillu killiffissiorneq utoqqarnut periusissiamik nutarterilluni suliaqarnermut tunngaviussaaq, taassumap kingorna nuna tamakkerlugu kiisalu kommuunini utoqqarnut tunngatillugu immikkoortumut pilersaarusiortoqassalluni.

Pissutsit qanoq innerat Kalaallit Nunaannilu inuiaqatigiit ineriartornerannik missingiut tunngavigalugit utoqqarnut tunngatillugu ukiuni qulini tulluittuni aserfallatsaaliilluni annertusaanissaq pillugu nalunaarusiap naggataani innersuussutinik tunniussivoq.

Inatsisartut peqqussutaat naapertorlugu kommuunit ataasiakkaat namminneq utoqqarnik paaqqinniffinni inissiat pisariaqartinneqartut pigineqarnissaat qulakkiissallugu, kiisalu utoqqarnik paaqqinniffinnik sanaartornermut ingerlatsinermullu aningaasartuutit akisussaaffigaat. Kommuunili utoqqarnik paaqqinniffinnik sanaartornissamut tapiissutinik qinnuteqarsinnaavoq, isumaginninnermi sanaartukkanik ineriartortitsinissaq pillugu kaajallatsitaq normu 213, 30. November 1993-imeersoq naapertorlugu. Tamannali periarfissaq Naalackersuisut kommuunillu akornanni missingersuusiortarnermut nutaamik isumaqatigiissutigineqaqqammersoq naapertorlugu atorunnaarsinneqariartorpoq.

Innuttaasut 65-it sinnerlugit ukiullit 2050-ip tungaanut missingersorneqarnerat naapertorlugu takuneqarsinnaavoq, ukiut inuuffiusut sivitsoraluttuinnarnissaat naatsorsuutigineqartoq. Assersuutigalugu 2035-mi inuit utoqqaat 8.919-iunissaat naatsorsuutigineqarpoq, 2020-mut naleqqiullugu utoqqaat 4.926-usimapput, imaappoq ukiut 17-it ingerlaneranni marloriaatingajaassallutik.

Nalunaarusiami allaaserineqarpoq, inuunermi ukiorineqartartut agguaqatigiissinnerisa maannamut ineriartornerata takutikkaa, innuttaasut siusinnerusumut sanilliullugu siviuserusumik peqqissuusartut, taamatullu innuttaasut 65-it sinnerlugit ukiullit amerlanerujartortut namminneq angerlarsimaffimmini najugaqaannarsinnaalissasut. Nalunaarusiamili eqqumaffigeqquneqarpoq, innuttaasut akornanni utoqqaat amerlanerungaatsialertussaannerat peqqutigalugu, ajornartorsiutit nassatarineqartussat passussinnaanissaannut inuiaqatigiit inissaqartitsinerlu aqqissorneqassasut. Utoqqarnut inissianut utoqqarnullu angerlarsimaffinnut inissat amigaataalereersimasut takuneqarsinnaavoq, 2018-imiillu 2019-imut inissianut assigiinngitsunut innuttaasut utaqqisuniittut amerleriarsimasut. Kommuuniniimmi kisitsisit takutippaat nuna tamakkerlugu utoqqarnut inissianut utaqqisut 681-iusut, utoqqarnullu angerlarsimaffinnut utaqqisuniittut 337-usut 2018-2019-imi.

Qeqqata Kommuniani januaari 2019-imi inuit 65-it sinnerlugit ukiullit 893-iusimapput innuttaasut 9.409 iluanni, imaappoq innuttaasut 9 procentii 65-it sinnerlugit ukioqarsimapput.

Pissutsit nalunaarsorneqarnerisa takutippaat kinguaattoorneq 5,3 millioner kroneusq imaluunniit m²-imut 398 kronet, tassunga sanilliullugu nuna tamakkerlugu agguaqatigiissitsinermi 616 kroneuvoq. Kinguaattorutit appasinnerannut aserfallatsaalisassatullu naatsorsuutigineqartut annikinnerannut illuutit naliginnaasumik nutaajunerannik pissuteqarpoq, kisianni aamma atortunik toqqaaneq sanaartornermilu ataatsimut aningaasaqarnikkut eqqarsaateqartarsimanerat aamma aalajangiisuusimasinnaapput.

Qeqqata Kommuniani utoqqarnut inissiat nalunaarusiami naleqqussusiisa nalilerneqarnerat agguaqatigiisillugu 8,7-iuvoq, nuna tamakkerlugu agguaqatigiissitsinermit ataatsimik anginerulluni ilutigalugulu kommuuninit allanit tamanit qaffasinnerulluni.

Innarluutilinnut inissiatut atoruminarnerat 7,1-imiippoq, tamannalu nuna tamakkerlugu agguaqatigiissitsinermit qaffasinneruvoq, naleqqunnerat Kommune Kujallermit kisimi qaangerneqarluni.

Utoqqarnut inissiat ajornerpaat Sarfannguaniippat 6,7-imik karakterilikkat, innarluutilinnullu inissiatut 5,2-mik karakterilikkat. Taamaattorli utoqqarnut inissiat pitsaanerpaat Sisimiuniippat 9,7-imik karakterilerneqarsimasut, taamalu nuna tamakkerlugu utoqqarnut inissiani pitsaanerpaatut nalilerneqarlutik. Inissiallu taakku innarluutilinnut atoruminassusaat 9,6-imik karakterilerneqarsimammata, nuna tamakkerlugu utoqqarnut inissiani innarluutilinnut atoruminarnerpaajullutik.

Utoqqarnut paaqqinniffinni inissat ukiut qulit ingerlaneranni 52-inik ilaneqarnissaat pisariaqartinneqarnissaa nalilerneqarpoq, tamannalu missingersuunneqarluni 90 mio. Kr. –t missiliorpaat, utoqqarnullu inissianut 150 mio.kr.-t missaaniillutik. Aningaasaliinissamut pisariaqartinneqartussat tamanna tunngavigalugu katillugit 240 mio.kr.-t missaaniissapput, 90 procentingajai nutaanik inissialiornermut atorneqassangatillugit. 2020-mi Aningaasanut inatsimmi utoqqarnut angerlarsimaffinni inissiat katillugit 40-t pilersaarusiorlugit aallartinneqarput, 2029-p tungaanut inissat 52-it pisariaqartinneqartut ilarujussuaralugit.

Atuilluartuunissakkut kingunerisinnaasai

Utoqqaat inissiaasa atuisunut atoruminartuunissaat pineqartut pitsaasumik inuuneqarnissaannut tunngaviliisorujussuupput, toqqiissimanartumik ataasiakkaallu pisariaqartitaannik naammassinnittunik avatangiiseqarnissaq nalerisimaarnissamut pisariaqarmat. Utoqqaat inissiaanik aserfallatsaaliinissamik sanaartornissamillu suliniutit taamaattumik pingaarutilerujussuupput, kommuunimi innuttaasut tamarmik peqqinnartumik utoqqaliartornissaat qulakkeerniarlugu.

Utoqqarnut inissiat utoqqarnut innarluutilinnullu naleqquttut qulakkeerniarlugit, kiisalu peqqinnartumik aalaffiusumik utoqqaliartornissaq qulakkeerniarlugu, innuttaasut ineriartornerannik aallaavilimmik ungasinnerusq eqqarsaatigalugu pilersaarusiorneq atuilluarnermik aallaaveqartorujussuuvoq.

Aningaasaqarnikkut allaffissornikkullu kingunerisinaasai

Nalunaarusiami nalilersuinerit aallaavigalugit ukiut qulit ingerlaneranni katillugit 240 mio.kr. missaani sanaartornissamut aserfallatsaaliuinerimullu aningaasartuutissat pisariaqartissangatinnearput Qeqqata Kommuuniani.

Aningaasartuutissat procentinngorlugit ukununnga agguataarneqarnissaat naatsorsuutigineqarpoq:

- 2 pct. kinguaattoornernut
- 7 pct. aserfallatsaaliinermut
- 33 pct. Utoqqarnut inissiisarfinnik sanaartornermut
- 56 pct. Utoqqaat angerlarsimaffiinik sanaartornermut
- 1 pct. Naleqqussusaannik pitsanngorsaanermut
- 1 pct. Innarluutilinnut inissiatut naleqqussarneri

Allaffeqarfiup naliliinera

Qeqqata Kommunია imaattumik tusarniaanermut akissuteqarpoq:

“Qeqqata Kommunია utoqqarnut tunngasuni inissiatit pillugit ineqarnermut naalakkersuisoqarfiup misissuilluarsimaneranut qujassuteqarpoq.

Qeqqata Kommuniani utoqqaat sapinngisamik pitsaanerpaamik atugassaqarnissaat qulakkeerniarlugu suliaqarneq annertuumik salliunneqarpoq, tamatumani ilaatigut nunaqarfinni utoqqarnut inuusuttunullu immikkut inissianik sanaartortoqarnissaanut sulisoqassasoq suleqatigiinnissamut isumaqatigiissummi ersarissorujussuarmik allassimalluni. Aammattaaq suleqatigiinnissamik isumaqatigiissutikkut anguniagaavoq, utoqqalinersiallit siusinaartumillu pensionisiallit sapinngisamik sivisuumik namminneq angerlarsimaffimmini najugaqaannarnissaat, aammalu tassunga atatillugu utoqqarnut sullissineq pitsaasuussasoq.

Tassunga atatillugu kommuuni ulloq unnuarlu ikiorteqarsinnaaneq pillugu neqeroorummik pilersitsinikuuvoq, tassani angerlarsimaffimmi ikiorteqarneq pillugu inatsimmi piumasaqaatitut aalajangersagaasut saniatigut, utoqqaat sapaatip akunnerata ulluini tamani inuttut ikiorneqarnissamut paaqqutarineqarnissamullu periarfissaqarlutik. Angerlarsimaffimmi ikiorteqarneq ulluinnarni nal. 8 - 17 neqeroorutaavoq, ulloq unnuarlu angerlarsimaffimmi ikiorteqarneq ullut tamaasa nal. 8.00 - 22.30 angerlarsimaffimmi neqeroorutaalluni, aammalu innuttaasut attaveqarnissamut periarfissamik annertunerusumik pisariaqartitsisunut nal. 22.30 - 08.00 tungaanut kalerrisaarisinnaanerannut neqerooruteqarluni.

Kommuunimi inuiaqatigiinni assigiinngitsunik inissisimasut tamarmik pitsaasumik inuuneqalernissaannik qulakkeerisussatut, kommuunimi suliniutip annertuup ilaatut, ulloq unnuarlu angerlarsimaffimmi ikiorteqarnissamik pilersitsineq suleqatigiissitamit aallartisarneqarpoq. Suliniut taaguuteqarpoq "Inuunerissaarnek - det gode liv" arfineq-marlunnillu suleqatigiissitaqarluni, tamarmik immikkut assigiinngitsunik ukkataqartunik, taakkununnga ilaallutik innutaasut, angajoqqaat minnerunngitsumillu utoqqaat immikkut pisariaqartitsisut. Suleqatigiissitat akimortuupput aammalu kommunip meeqeriviini, atuarfiini, sunngiffimmi klubbini, MISI-mi aamma peqqinnissaqarfimmi sulillutik atorfeqartunit inuttalersugaallutik, tamatumalu suliaqarfiit attuumassutillit assigiinngitsunit qulakkeerneqarluni.

Suleqatigiissitaq utoqqarnik ukkataqartuusoq, ulluinnarni timimik aalatitsinerunikkut peqqinnerunikkullu utoqqaat inuulluataarnerisa qulakkeernissaanik siunertaqarluni, suliniutinik assigiinngitsunik pilersaarusiortarlunilu atuutsitsilertarpoq. Suleqatigiissitap ilaatigut Sisimiuni utoqqarnut inissiat eqqaanni silami sunngiffimmi sammisassanik assigiinngitsunik pilersitsinikuuvoq, ilaatigut inunnut timikkut piginnaanikillisimasunut immikkut sanaajusunik utoqqarnut fitness-inik sungiusarnermi atorneqarsinissaanut utoqqarnik periarfissiisunik. Suleqatigiissitaq piffissami matumani Maniitsumi utoqqarnut tulluarsakkamik silami assingusunik pilersaarusiortarpoq.

Qeqqata Kommuniata ulluinnarni peqqinnerulernikkut timimillu aalatitsinerunikkut innuttaasut akornanni inuulluataarnerup qaffasinnerulernissaa neriuutigivaa, ilaatigullu neriuutigalugu, taamaaliornikkut piffissap ingerlanerani innuttaasut namminneq angerlarsimaffimmini

sivisunerusumik nammineersinnaassasut. Taamaattumik utoqqaat sapinngisamik sivisuumik namminneq angerlarsimaffimmini najugaqarnissaani ataatsimoorussamik nunatta tamakkerlugu kommuuninilu anguniagaanissaa kissaataanissaanillu nalunaarusiami nassuiarneqarneranut kommuuni isumaqataavoq.

Qeqqata Kommuniata inuiaqatigiinni ineriartorneq maluginiarpaa, tassani utoqqaat amerlassusaat qaffakkaluttuinnarluni aammalu akunnattumik sivisussusilimmik inuusarnerup takutippaa, innuttaasut sivisunerusumik peqqissuusartut napparsimasaratillu. Kommuunip isaani utoqqaat nukissaapput annertuut, inuusunnerusunut kinguaariinnut kalaallit inooriaasiannik ingerlatitseqqiinnermut peqataasussaasut.

Taamaattumik kommuuni utoqqarnut inissianik sanaartornissamik suliaqarnikuuvoq aammalu piffissami matumani Sisimiuni utoqqarnut inissianik arlalinnik sanaartornermik ingerlataqarluni, aammalu Maniitsumi utoqqarnut inissianik arlalinnik sanaartortussaalluni. Kommuunip naatsorsuutigivaa, puigortunngutortunut immikkoortortassamik pilersaarusionerq taamaalillunilu sanaartorneq naammassippata, utoqqaat angerlarsimaffianni inissat amerlanerulissasut.

Kommuunili utoqqarnut tunngasuni isumaginninnikkut ikiortinik ilinniarsimasunik amigaateqarnermik unammilleqqavoq, aammalu ineriartorneq ilutigalugu sulisussanik ilinniarsimasunik amigaateqarnerq qaffassasoq naatsorsuutigalugu. Taamaattumik kommuunip immikkoortumi ilinniarnissamut neqeroorutinik orniginartoqarnissaa kissaatigivaa, utoqqartartinnut pitsaanerpaamik sullissinissap qulakkeerpeqarnissaa siunertaralugu.

Kommuuni kommuunini immikkoortuni pilersaarutinik suliaqarnissami akuutinneqarnissaminut qilanaarpoq.

Tusarniaanermut akissut allaffissornikkut suliarineqarpoq.”

Innersuussut

Atugarissaarnermut Immikkoortortaqaqfiup Atugarissaarnermut Ataatsimiititaliamut innersuussutigaa:

- “Utoqqarnut tunngatillugu inissiaatit killiffiat 2020” tusarniaavigineqarnerani akissummut paasissutissiineq tusaatissatut tiguneqassasoq.

Aalajangiineq

Tusaatissatut tiguneqarpoq.

Ilanngussat

1. “Utoqqarnut tunngatillugu inissiaatit killiffiat 2020” pillugu tusarniaanermut allagaq
2. Utoqqarnut tunngatillugu inissiaatit killiffiat 2020

08 Tamalaat

Imm. 8.1

Pisortaanerup ilisimatitsissutigaa angerlarsimaffeqanngitsut unnisarfiata ammasarfiisa nalilersorneqaqqinnera aammalu atuisunit maleruaqqusassat ataatsimiititaliap siulitaasuanut aaliangigassamik allaffeqarfimmiit suliarineqartut.